



古今圖書全編卷四十八

南昌後學章潢編

四川圖叙

四川古梁州地劍閣

即劍門關在保寧北境

表雲棧之固瞿塘

峽名夔夔州城東

鎖巴峽之流界以番族

西番阻以蠻部

撒芒部

東川烏蒙烏撒芒部是

山水襟束自

相藩籬故奸雄割據則盜兵不敢西歸地饒而險阨備也然

姦宄內作懸車束馬市不相及有難猝者矣况上列

親藩重兵外戍諸所供饋咸取給焉且松潘以孤城介在番域

而寄咽喉于龍州

宣撫司

千里轉運輒為番蠻所遮斯則巴西

之隱禍也烏撒芒部

即鎮雄府

諸夷四

軍府

雖犬牙形格仰我鼻息

然內相黨結數起兵釁且於叙州

叙瀘州

有唇齒之重要在因

俗撫綏攜其斯黨而已乃若碣門地名天全之臂視諸番播州宣尉司之富藏四省播州地方與湖廣雲南貴州俱鄰接殆與蜀相為盛衰者馬建昌六衛僻處四徼自為與區民夷安業非所憂矣

沿革古梁州地漢置益州部刺史察舉蜀巴廣漢犍為詳將越雋等郡而非常所治東漢益州刺史治雅唐貞觀中於此置劍南道開元中置劍南并山南東西道採訪處置使而劍道治蜀宋為四川路後為東西兩路又分益慶利夔四路安撫司俱以守臣兼領又置提點刑獄司於嘉定重慶潼川三府元置四川等處行中書省又置西蜀四川道廉訪司俱治成都本廟置四川等處承宣布政使司行都指揮使司提刑按察司而三司並治於成都則行都司分治建昌以控制邊境云

嘉靖中改龍州宣撫司為龍安府設流官



陝西界

東抵湖廣界

東南抵

東北抵

陝抵北

貴州界

貴抵南



四川等處承宣布政使司治成都左右布政使二左右叅政三  
糧儲一左右叅議三雅州管糧分守二領府八州二十縣一百有四  
 軍民府三宣慰司一宣撫司三安撫司一長官司一總為里  
 一千二百五十有零戶一十六萬四千一百一十九口二百  
 一十萬四千二百七十夏秋二稅共米麥一百二十萬六千  
 六百六十石絲六千三百三十三斤綿花七萬二千八百五  
 十一斤鹽課提舉司一在成領仙泉等鹽課司十五龍州等  
 衛所額辦折色小引鹽一十萬九千一百七十七引成都建  
 昌等府衛額辦課茶共四十八萬九千八百八十五斤有零  
 四川都指揮使司隸右軍都督府都指揮三內掌印一僉書二領衛一

十二屬所四十九宣撫司  
七長官司二十一  
守禦千戶所一十一屬長官  
招討

司一又行都指揮使司  
都督府領衛六長官司五  
守禦千

戶八本都司所屬馬步官軍九千六百餘員名


提刑按察司按察使一副使七  
清軍一提學一兵備松潘一  
威武一建昌一重夔一

僉事九  
管屯一兵備安綿一  
叙瀘一分巡四  
分道四川西川北  
川東川南

欽差巡撫都御史一巡按御史一都  
駐成

欽差副總兵一駐松潘

王府一蜀府高十一封郡王  
護衛一十四





淳里外十蒼溪里南部九廣元三巴二昭

化二通江六劍州三屬梓潼二江油二其形勝

棧道千里通于蜀漢井絡坤垠界山為門其裕質直淳厚

順慶府其名岩渠唐南充負山谷無瘴其屬州二縣八附郭南

充十一外西充八蓬州七屬營山四儀隴八

廣安州二十一屬渠十一大竹十八岳池十五隣水

十七其形勝山川奇秀隣渠水臨篆水枕大溪接通川其

裕實人剽勇民俗淳厚好義多儒親迎近

叙州府其名漢捷為唐南溪元叙南依山谷其屬縣九附郭宜

賓二十八外慶符六富順十南溪十九長寧十七

高十七筠連四珙九戎十一其形勝東瀘

水西大義南六詔北三榮其俗雜夏夷士靜民朴

重慶府其名秦巴郡唐南平其屬州三縣十七附郭巴

江津三十八長壽二十大足三十七永川二十

榮昌二十七綦江四南川五黔江一合州

屬銅梁二十七定遠十四安居十三璧山二十

忠州七屬豐都四墊江十二涪州十二屬武隆

彭水八其形勝地勢剛險二江之會東魚腹西焚道

北漢中南夜郎其俗尚鬼信巫銳氣善舞

夔州府其名漢永寧巴東蜀固陵唐雲安其屬州一縣十二

隄郭奉節四里外巫山三里大昌二里雲安九里大寧三里

解萬四里開七里達州八里屬新寧七里梁山十里建始

居萬山東鄉五里其形勝鎮以灩澦扼以瞿塘岷嶓之下三

江之上其俗無醫信鬼勁勇少文燒地而耕踏跡而遊

馬湖府隸長官司四曰泥溪曰平夷曰蠻夷曰沐川其形勝南

戎瀘北普資其俗夷夏雜居信鬼不藥散居山菁無縣邑鄉

鎮

潼川州其名梓潼昌城隋新城宋東川六里軍民其屬縣七射

洪四里依鹽亭三里中江五里遂寧十七里蓬溪六里依山安

岳二十里樂至七里其形勝劍外都會水陸要衝其俗尚奢好

樂士通經學古

眉州其名齊通隋眉山唐通義二十一里其屬縣三彭山五里

丹稜五里青神四里其形勝岷峨之間秀氣所聚其俗名節

相尚重文獻業詩書

嘉定州其名漢捷為隋眉山濱江無其屬縣五我眉六里洪雅

三里夾江十五里捷為九里榮七里其形勝負三我帶二江其俗良

朴人士俊乂

邛州其名臨邛依山各其屬縣三威遠四里大邑七里蒲江

五里

瀘其名漢江陽唐瀘川十七里依山濱其屬縣三納溪三里

江瀘三里

口江七里簡江安二十里漢夷其形勝南牂河北廣漢射江

負山控制邊面其俗地少桑麻刀耕火種

雅州其名象山隋臨邛雅安唐廬山四里其屬縣三名山依三

濱江榮經二里民蘆山三里其形勝西碛門東蒲江西蜀襟

帶南詔咽喉其俗朴少訟頗慕文學

東川軍民府其形勝控東川澤金沙江雲夫山其俗尚戰爭居

多板屋夷有二種僃人曰羅羅

烏蒙軍民府其形勝高蜀一倍索橋之險雪山之高龍洞環左

涼山聳右其俗民有三種曰羅羅曰土僚蠻曰夷人

烏撒軍民府其形勝山崖險扼襟帶二湖羊腸小徑十倍蜀道

前臨可渡後倚烏門其俗婚姻不避親族

芒部軍民府其形勝南直斗河北勿食料溪左綽忸右繞砮砮

其俗勁愚朴野

播州宣慰司十七里其形勝西僃道南牂牁土地曠遠其俗敦

龐悉慕華風領長官司六容山一里餘慶一里白泥一里播州四里

真州四里重安一里安撫司二黃平二里草塘一里

永寧宣撫司一里領長官司一為九姓其名宋永寧其形勝北有

馬口崖南有漁漕溪上通雲南北連川廣其俗鄙陋朴野事

農桑無商賈

龍一里宣撫司十一里其地周時為氏羗其名後魏江油隋平武龍

其形勝山高水峻其地四塞劍閣石門峭壁雲棧其俗務農工獵岩居谷處椎髻披氊佩刀與武都同 西陽宣撫司

里十一

天全六番招討使司里十其域梁之南境其地古蠻獠之地其形勝東雅州西乾溪南榮經北靈關其俗男不習藝女不紡績惟耕種為業

黎州安撫司里一其域梁西境其地古西南夷笮都其名漢沈黎

唐漢源其形勝越雋邛蜀之中南隣六詔西接吐蕃其俗混夷漢推髻種裘俗尚鬼

平茶洞長官司里三其域荆梁二州之界其地戰國楚之黔中漢

屬武陵其形勝西陽藩籬石邪襟帶其俗言語侏儻性好捕獵

松潘等處軍民指揮使司里一領千戶所一長官司十七曰占歲

先結簇曰蠟匝簇曰白馬路簇曰班班簇曰阿昔洞簇曰北

定簇曰山洞簇曰麥匝簇曰者多簇曰牟力結簇曰祈命簇

曰勒都簇曰包簇曰阿昔簇以上洪武中置曰阿用簇正統初曰思

曩兒簇洪武初曰潘幹寨正統初安撫司四曰八郎永樂曰麻匝兒永樂

曰阿角寨曰芒兒者正統初其名唐交川古松產其松其形勝東

南雪嶺西北洮河山川險峻雨雪多寒其俗日耕野壑夜宿

心房刻木契以成交易炙羊髀以斷吉凶人精悍善戰鬥

疊以守禦軍民千戶所里一其域梁其地古氏羗領長官司二為  
疊溪里一為鬱郎里一其名唐臨翼其形勝犇牛峙左汶江環右  
排柵接前雲峯擁後

四川行都指揮使司

里十三

領衛六為建昌為建昌前為寧番為

越雋為鹽井為會川為瀘州守禦千戶所六建昌之屬為禮

州里二為德昌為打冲冲里四為冕山橋為打冲河中左會川里八

之屬為迷易長官司五建昌之屬為昌州里三為威龍里一為普

濟里一越雋一之屬為邛部鹽井里三之屬為馬刺里二其名古

邛都漢越雋隋西寧其形勝東烏蒙西吐蕃南中慶北西蜀

據西南咽喉山水清秀其俗夔人重儒敬佛

### 四川各府沿革風土

成都府華陽西極黑水南流此揚雄益州之箴也緣以劍閣  
阻以石門此左思蜀都之賦也以其沿革考之秦曰蜀都漢  
曰益州而成都之名始於普也其地五嶽表其陽四瀆出其  
微帶二江之雙流抗峨眉之重阻孔明謂沃野千里之地吳  
師謂天下藩鎮之冠信其然也人生茲土者愿憇而好靜公  
議而無私

保寧府司馬遷作史曰棧道千里通於蜀漢柳宗元作銘曰井  
絡坤垠界山為門此皆所以論保寧之形勝也然以其地考  
禹貢梁州之域分野井鬼之星晉曰巴西唐曰閬中處巴

以繞碛之內在梁洋梓益之衝此陳恢所謂蜀之都會劉儀鳳所謂蜀之外戶也人生其間地險民豪地大俗阜質直好義

順慶府夏為梁州周為巴國宋為宕渠唐為南充此是郡沿革之異也東臨篆水西倚秀屏南接猊峯北連瑪瑙此是郡形勝之奇也蓋其地群峯矗於四望之內清香滿於山谷之間人之居是邦也雖喜商賈而急穡事尚禱祠而喜出郊煦古稱忠義之邦家詩戶書而甚淳朴也

叙州府考叙州之沿革古曰夔國漢曰犍為唐曰南溪元曰叙南考叙州之域東距瀘水西連大戕南通六詔北接三榮蓋是邦負山瀕江地勢誠要衝突但其夷夏雜居風俗各異然民力於穡士競於文

重慶府五溪之襟東四蜀之都會其說見於權德輿記剛悍生其方風謠尚其武其言見於左思賦以其地考之禹貢梁州之域天文井鬼之星秦曰巴郡唐曰南平郡重慶之名始於宋也說者謂東至巴東西接洋河北連漢中南距夜郎會川蜀之衆水控瞿塘之上流界瀘渝之間在恭涪之內其人就水造滄鑽木出火尚鬼信巫銳氣善舞是固然也然有巴蔓子甘霸諸人為之倡尚氣倜儻喜以詩書自娛也

夔州府論夔州之地本周之魚復國而鎮以灩澦扼以瞿塘環

縉雲何形勝之奇也論夔州之名本唐之所建而漢曰巴東蜀曰固陵唐曰雲安何沿革之異也蓋嘗考之儒先之論矣有謂據荆楚之上當全蜀之口歐陽董鉞之說也有謂處岷嶓之下冠峽右之秀則段文昌侯師聖之說也人生其間踏蹟而遊燒地而耕任俠尚氣而信鬼

潼川州考是邦之地居水陸之要衝則叙於杜祐據涪水之上游則記於馬咸漢曰梓潼魏曰昌城隋謂之新城宋謂之東川而潼川之名創於重和間也人生其間性輕揚尚奢靡然士通經學古

眉州坤維上腴岷峨奧區此盧拯之論也水突巖頤灘穿龍爪

此張遠霄之詩也蓋眉州之地本井鬼分野而或謂之齊通或謂之眉山或謂之通義其沿革異也迹其疆域介岷峨之間為江山秀氣所聚故土以名節相尚以詩書為業

嘉定府觀劉伯熊之記議到堂則知是邦真蜀地之冠觀邵博之記清音亭則知是邦得山水之勝蓋其東接江陽南接朱提北接蜀郡西接廣漢孤清秀絕真有可人意者其名則漢曰犍為隋曰眉山而定之名定於元也人生其間頗慕文學有禮義廉耻之風

瀘州雅州之地本東漢之江陽唐之瀘川也論雅州之地本魏蒙山隋之臨邛也蓋瀘州南接群河北接廣漢淙流貫其

山墮山蟠其址固邊隅之重地也雅州左據蔡山右依蒙頂  
羗水環於前瀆江繞於後乃南詔之咽喉也人生其間性朴  
而訟希

播州宣慰使司西連夔道南極泮河播州之疆域也唐曰播川  
宋曰遵義播州之名號也蓋其地本秦之夜郎重山復嶺陡  
澗深林人生其間好射獵信巫鬼婚姻以銅器為禮宴樂以  
鼓笛為樂若非矣然敦龐淳固悉慕華風

處置

四川西南輿區上則松茂建昌番夷時肆侵暴下則播酉石  
柱土司互為劫掠控制消彌非一朝可圖者也成都素稱沃

野賦重役繁供億稱詘叙州地饒而高珙諸夷兵費不貲且  
大木多產其境採辦之擾商民殘廢重夔土寇運結施州諸  
夷虔劉未已而妖人內紅受患尤烈保順衝疲民朴務簡馬  
湖僻小民夷相安龍安新造全在經始大抵蜀地夷漢雜處  
氣習靡淳地理遼邈巡歷難遍加以大木之困大兵之殘民  
貧多盜勢使然也是在撫按廣于咨詢司道勤于躬歷督率  
有司持廉省費愛養撫綏數年之後或者蜀其有瘳乎

○川雖僻阻然巴蜀沔益之饒或時仰給焉且蕃蔽吳楚東南  
上游表裏滇隴西南要地得其人則治以安否則亦易擾亂  
代之往轍烟鑑具在也故漢第五琦張堪廉范李膺唐常

李德裕宋張詠趙抃馮京崔與之諸公此其人皆兼將相之器而又俾久於其官故卓然各有稱述保茲西土而或以僻遠易之過也

### 全省要害

四川馬湖叙州二府逼臨蠻獠華與夷雜處瀘州不雜夷實殷夷警成都以省藩重鎮控制西番而崇慶雅州亦難安堵重慶安接夜即西通群峒俗有夏邑蠻夷雜處順閒無外防保寧夔州險據在我其地沃民殷諸府為然當是海內樂土而馬湖叙州蓋畧次之矣

### 預設防禦

川之形勢北有劔門不足恃而慮在松蕃以孤城介生蕃之域乃待食于龍州懸命千里之外設為羗戎所截則疊溪而南如建瓴而下直抵茂州無難是誠限外隱窅耳西有黎州不足恃而慮在維州維州在保縣外無百里乃為董卜韓胡所據是切近之災且復有自靈關一道可抵雅州自草坡一道可抵汶川自泄里壩一道可抵灌縣自清溪口一道可抵崇慶州其門庭顯禍乎

### 議固險隘

四川天下絕險龍州松蕃振其北播州諸夷列其南天全黎當其西瞿塘守其東江山四塞關峽孤開可守一當百吐

西控烏思藏等處風俗樸魯慈教大行法令飭嚴行人所  
利非若百達烏合之衆殘侵無紀况以重險臨之為力又易  
南隣芒部東川烏蒙烏撒諸蛮獠要皆腹裏机上肉耳行都  
司六衛截制民夷可以安業而西之雅威茂灌南之崇慶瀘  
嘉馬叙北之疊溪綿漢彭石重重繞護深藏三窟所慮奸宄  
內作地饒克備不能施速定之述耳本朝從階文入成都取  
明昇蓋以計破之苟非儘兵東守瞿塘事未易成也

議處時務

蜀自李冰鑿離堆堰都江而水利自茲始矣涸脰泛肩之誓  
沉于犀浦深灘淺堰之諭紀于鷄臺洞開三泊江辨雙流我

朝開濟之法夫固若是而已壘石以築堰範鍾以陶灘利水  
州縣如郫繁崇漢所出夫匠歲不下千人而灌田亦幾萬計  
已而江之順怒不常人之機械不出其中黠者欲乘間以牟  
利乃為倡鐵龍之議鑄冶重成而奔濤卒至蕩折而已無餘  
矣又欲從而脩之而不知利沒奸諛勞歸庶姓而旱澇卒無  
補也是豈立法初意哉或者議曰昔之遺法固在也因而飭  
之其誰曰不可故隨內外以導沫江因淺深以通灌口力役  
則計田疇以為多寡雇役則度遠邇以為重輕而又相下澤  
以疏流慎司工以勸事其庶矣乎或又曰鐵龍之議特因一  
河之卒漲耳未可遽以為非也嗟乎禹之治水水之性也故

亦淘淺築正得其遺意而乃高為堤堰故與水閩幾何其不  
敗也昔文翁守成都開煎波口溉灌繁田人獲其饒是亦不  
可為法乎自管子謹正鹽莢而鹽法由此興矣南鹽于海北  
鹽于池而蜀鹽于井自瞻一方於大農國計無與焉我朝  
開中之法行之久矣有提課以督成有監司以會要出鹽州  
縣如順義長寧大者不下數十萬小者亦不下數萬已而商  
之要擁不時竈之貼納無出其間黠者欲巧言以奪正乃倡  
為折納之議自此鹽額十萬而今不及十千矣又欲從而議  
復其舊然不知舊井既枯新井或淡出課徵眇招之不来而  
緩急卒無補也是豈立法初意哉或者議曰昔之遺法固在

也遵而行之其誰曰不可故復開中而先寬其科條清理沒  
而不追其既往或棧閉廢井以蘇窮困或覈出虛額以絕誅  
求而又稽井戶之逃移禁客戶之占佃其庶矣乎或又曰牢  
盆之法井戶具盆而納筭商人具引而納筭則竈可免於追  
徵而商可免於開中矣是又一說也昔楊輔總計四川收引  
稅錢井戶稱便是又不可為法乎屯田之制國初專以養  
兵分田有限徵納有時或失則多或失則寡莫不有畫一之  
法存焉歲月既久奸宄彌深遂使疊溪之屯徵于綿竹廣利  
之屯徵于龍安不知而妄議者尤歆為清屯之令吁戶口不  
可占田官私不能履畝殆如漢之檢覆墾田然而河南南陽

不可問其失寢遠矣或者議曰紅牌之制賞罰固在也使能守其成法按魚鱗冊籍以稽隱界勾絕戶之田畝以授餘夫明主保下田之禁正屯官徵輸之條豪右侵奪有罰貧悴貸假有罰其孰曰非初意也或又曰有田之屯可知也無屯之田不可知也可不重加之意乎昔諸葛武侯營屯渭濱軍有宿除無亦存乎其人耳國初茶法專以易馬與秦隴無異也歲遣巡察一人凡私越禁者刑無赦嗣是廢置不常奸萌寢起遂使建始之茶私越沉黎武岡之商擅抵蒙雅不知而妄議者猶歆利其餘課十而稅一不知茶以引計不及引者則謂之由始如宋人之長短引然而又可因以為利乎

其失益甚矣或者議曰金牌之制差法固在也使能師其遺意稽截引之目而繳報以限嚴立市之令而譏察以時碭門之茶馬有司可復也黑水之批驗有所可復也番僧盜鬻有罰漢人私遞有罰其誰曰非初意也或又曰無引之茶可知也無茶之引不可知也是可不加之意乎昔趙開判成都減額以蘇園戶輕價以惠行商民到于今稱之無亦存乎其人耳

### 水利蚕桑

蜀為天府之地諸葛亮為昭烈告之矣其言曰益州險塞沃千里夫險塞則可以守沃野則可以出軍需亮蓋則策矣

入建邦啟土之始也乃今觀蜀自秦守李冰鑿離堆辟沫水之害穿二江成都之中此渠皆可行舟有餘則用溉浸百姓百姓享其利今其堆在灌縣西一里許踰立水中可觀也蓋始未鑿堆地勢下壅沫水奔突不可控揣為居民害而今則順流而東而水之利旱則藉以灌溉雨則不遏其流故其記曰水旱從人不知飢饉其謂是也二江則蜀志以為一汶江一流江蓋經郡城南七里者即水所穿耳宋郡縣志謂一由永康過新繁入成都謂之外江一由永康過犍入成都謂之內江者即今灌縣而所用灌溉則曰灌曰溫曰郫曰雙流曰崇慶曰成都凡一州七縣皆利之天下謂之天府也蓋昔魏

襄王為群臣祝而曰令吾臣皆如西門豹之為人臣也史起進曰魏氏之行田也以百畝鄴獨二百畝是田惡也漳水在其旁而豹不知用是仁智未盡何足法也及起為鄴令乃引漳溉鄴以富魏之何內而民歌之亮之智豈少區區史起之見乎然亮初慕蜀之沃野而身自為相江水亡恙也獨不聞其與群下謀鑿引以溉旁近田畝何也蓋沙河以南其原野雖廣平可田畝而地高江下不可引水即鑿之亦不得利故亮置弗為坐此耳蜀志有之蜀古蚕叢之國若曰地宜蚕也所從來遠矣乃張詠則蜀賢守也先是知鄂州時既以教民茶植桑矣而至為蜀宋史第稱其減鹽價以足軍餉督驕

不以討叛賊吏不服牽出斬之民苦飢豫折米以待之而獨  
不聞其勸民植桑豈詠不知蜀地宜桑而不以鄂治耶特以  
于時四郊多壘桑株悉膏釜爨不可復植或蚕桑故業民自  
利為之不煩勸督云爾乃今保寧諸縣則家植桑而人飼蚕  
其絲絕綾絹既用以自衣被而其餘且以貨諸他郡利云厚  
矣而錦官以南千里無一桑株何也是未必皆出于避稅或  
者由隋農廢業又無所督勸之故至于今無復占是業耳若  
謂欲用史起智而鑿山引水灌溉沙河以南之田申張詠見  
而勸民植桑脩復蚕叢以來之業意蒸蒸日上愚則以為江  
水不可引也陂塘獨不可鑿乎民稅可避也蚕桑獨可廢乎

有如鑿塘一畝深一丈可灌田十畝鑿塘百畝深一丈可灌  
田千畝則自沙河以抵龍泉皆沃壤也如是行之數年而陂  
塘之利不與一州七縣相埒吾不信也植桑十株可供一女  
之蚕植桑百株可供十女之蚕則自錦官以及戎渝皆桑陌  
也如是行之數年而蚕桑之利不與保寧諸縣相等吾不信  
也

### 議防威茂

夫蜀古蚕叢國帶二江之雙流抗峨眉之重險緣以劍閣阻  
以石門所謂坤輿大都會是已顧三面邊蠻獠羗番常為中  
之患今播蘭叩竿酉陽石砭帖然受約束矣無論也獨此一

不當講求耳西北冉駝地也冉駝即今威茂之境其西為疊  
溪又其西為松潘吐蕃氏羗諸種落雜居崖嶂菁峒險阨相  
雄長漢武西逐諸羗渡河湟居塞外如為王土唐宋以來叛  
服蓋靡常也我

太祖高皇帝既平蜀乃命平羗將軍丁玉攻取其地設州邑衛  
所綦布要害竊嘗譬之成都堂奧也灌口門戶也威茂松疊  
藩籬也犬豕之性喜人怒獸伺隙蹂躪藩籬不密則門戶危  
門戶不密則堂奧危此西北邊防所以重於蜀也

議防番羗蠻獍

番羗在蜀之西界永樂間立商巴綽嶺為國師而事道黎巴  
完卜為禪師而事佛各受銀印撫諭諸羗亦羈縻之術也今  
固晏然於千里之外所謂塞草抽綠者此其時也而執事欲  
消其未萌之釁則亦先事之防爾蓋法有久而玩者振刷之  
所必加事有久而弛者明作之所宜用寇所從入之路預為  
周悉保禦之謀故險固不謹則隙閔隘所當脩也戍夷不恤  
則貳綏輯所當先也韜畧不講則將不聞武經所當諳也士  
伍不練則不服習訓閱所當勤也如是而防之之要得矣不  
可以塞窺伺之端而消釁於未萌也哉蠻獍在蜀之南界當  
九絲新珍之餘聲威所訖惴惴焉褫魄之不暇其何亂之敢  
為坐視相傷固非王者無外之義動兵小醜亦非君子好生

之仁今固帖然於千里之中所謂娘烟息紅者此其時也而  
執事歆弭其未熾之患則亦將然之圖耳盖有以世讐搆兵  
者有以爭息搆兵者織芥之憤連結之師待其既熾而後圖  
則撲滅之匪易故法紀不昭則褻畫之令所當申也黨奸不  
戮則誘撥置之條所當嚴也與奪不公則攜無黨之道所當  
遵也勤分不速則疑直枉之情所當鞫也如是而制之之幾  
得矣不可以寢封疆之思而弭患於未熾也哉

### 權茶議

唐趙贊贍軍用張滂拯水旱皆取茶稅未嘗以之易馬也宋  
乾德始置權務至李杞入蜀經畫以茶易馬而法嚴矣諸方

產茶蜀禁獨重 國初歲遣行人巡察邊隘茶以引計市以  
時開成化間罷差巡茶而

勅專憲臣法制益備故商無越貨邊境肅清近年以來弊日滋  
矣夫引分邊腹歲有定額也而規者爭取乎邊商別資貫人  
有定數也而懷奸者幹如蝟集此所以議者有六條之法矣  
以冒濫當絕也故慎引目焉以展轉當虞也故時稱盤焉以  
路岐易越也故謹關防焉以稱驗當擇也故重委官焉以利  
歸私門也故廣餘茶焉以番隙難杜也故嚴互市焉盖欲救  
乎茶之不行也之四政者有大綱以統細目有權變以濟經  
而所謂要之當執而中之宜用者也苟忽乎此吾未見其能

濟也

入川四道三谷辨

何仲默三秦志曰自秦入蜀有三谷四道三谷者其西南曰褒谷南曰駱谷從洋入東南曰斜谷從郿入其所從皆殊舊志謂首尾一谷非是其棧道有四出從成和階文出者為脊中陰平道鄧艾伐蜀由之從兩當出者為故道漢高帝攻陳倉由之從褒鳳出者為今連雲棧道漢王之南鄭由之從城固洋縣出者為斜駱道武侯北渭上由之此四道三谷者關南之險阨攻取所從來固矣

舊志云駱谷儻谷同一谷褒谷斜谷同一谷

川水辨

宋劉裕遣朱齡石伐蜀寇譙縱衆軍悉從外水取成都臧儔從中水取廣漢老弱乘高艦從內水向黃虎史炤通鑑釋文曰巴郡今之重慶正對二水口右則涪內水左則蜀外水自渝上合州至綿州曰內水自渝上戎瀘至蜀謂之外水按外水即岷江自重慶上叙州嘉定是也內水即涪江自重慶上合州遂寧潼綿是也中水即沱江自瀘州上富順資簡金堂漢州是也曰四川者則取岷江沱江黑水白水四大川以為名爾

沈約宋書資江為中水涪江為內水

福建圖叙

福建古閩越地以温處衢温州處州衢州信江西廣為北藩

建昌南贛建昌南安贛州為右壁惠潮惠州潮州俱廣東屬府為外戶

海為門封壤促甚而為閩内阻溪山秀美民用以和然處江浙

處州人輒用盜鑛流入政和壽寧俱建寧府屬縣之境大為患害古


田福州府屬縣福寧一帶本竊魚鹽之利山谷邃深逋寇每憑之

而嘯聚但不常出也濱海上下外逼倭寇之流近通琉球之

貢不為要害而海物互市妖孽荐興通番海賊不時出沒則漳浦龍溪

之民居多且汀漳汀州漳州之山尤廣人跡罕到獨與贛州江西屬府

勢相通提督兵備實交治之而永春安溪俱泉州府屬縣沙尤俱



沿革

府之間則屬之捕盜官矣四縣交界地方山盜頗多蓋簡辟莫如邵武  
 屬縣莫如漳州土沃民稀耕稼自給兵燹不加則八郡一也  
 古閩越地漢以揚州部刺史領之東漢於此置會稽南部都  
 尉唐初隸江南道復隸江南東道採訪處置使大曆中始置  
 福建觀察使治福州宋置福建路安撫司使其福州守臣兼  
 領元置福建等處行中書省于泉州尋徙福州置福建道宣  
 尉使司都元帥府及福建寧海道肅政廉訪司于福州  
 本朝置福建等處承宣布政使司都指揮使司行都指揮使司  
 提刑按察司而三司並治于福州行都司分治于建寧云

江浙

北西


抵江西

西抵江西

西南抵

廣東界

海



福建等處承宣布政使司治福州左右叅政三左右叅議三糧一儲一

領府八州一縣五十有三總為里三千七百九十七里有零

戶五十萬九千二百口二百八萬二千六百七十七夏秋二

稅共米麥八十八萬三千一百一十五石縑綿一百九十四

兩絹六百疋苧六十五斤鈔一萬七百七十九錠

福建都轉運鹽使司一州在福領鹽課司七歲辦鹽價八千八百

七十八兩

福建都指揮使司隸前軍都督府都指揮三內掌印一僉書二領衛一

十一屬所十六屬所五屬所所一十七建寧行都指揮使司都指揮三領衛

五屬所十二屬所二守禦千戶所四所屬馬步官軍共四萬八千二百


餘員名

福建提刑按察司按察使一副使 僉事 分道四 福建 寧建 寧漳 道武 寧平

鹽運司運使一

欽差巡撫都御史一

巡按御史一或清軍一 俱駐福州





四里 甌寧一百九十九里 建陽二百十里 崇安八十里 浦城一百五十八里

政和五十九里 居松溪六十八里 壽寧二十五里 其形勝閩嶺上

流東括蒼北上饒南延平東北建溪其俗絃誦相聞市井侈

浮田里樂業

延平府其名唐延平宋劍浦無瘴 其屬縣七附郭南平九十九里

外將樂六十四里 沙一百十四里 尤溪一百九里 順昌十五

八里微有瘴 永安六十五里 有大田四十里 其形勝負山阻水劍

溪環左樵川帶右其俗儉嗇質直耕織為生詩書相勸儒風

未泯

汀州府其名臨汀鄞江其屬縣八附郭長汀五十一里 外寧化

六十 上杭五十九里 武平十九里 清流七十有九里 連城三十

歸化四十五里 永定十九里 其形勝崇山複嶺甌閩與

壤南通交廣北達江右其俗剛愎好閩漁鹽耕織習類中州

興化府其名古莆中士夫多難 其屬縣二附郭莆田三百九里

治外十三里 仙遊無盜 其形勝左蘭溪右寧海前壺公後陳

嵩泉福之間海道舟楫其俗齊魯遺風文物之邦

邵武府其名吳昭武樵川微瘴 其屬縣四附郭邵武一百七

外光澤五十二里 泰寧四十九里 建寧四十九里

其形勝曠夷蜿蜒重岡鹿水甌閩西戶四州上游其俗獷直

尚氣力農重谷易動難安 又平和縣

彰州府其名唐漳浦清漳

地險民悍盜賊出沒難治

其屬縣八附郭龍溪

一百

六十里無

外漳浦

四十里無

龍巖

六十八里民悍難治有

南靖

盜多人狡猾

長泰

十九里有

漳平

三十五里人難治有

平和

十二詔安

二十里 寧洋

新設 其形勝控引番禺襟喉嶺表窮山漲海閩會

極南其俗務本農漁悍強難治

福寧州其名晉溫麻唐長溪

五十一里海道出沒

其屬縣二福安

三十里 寧

四十里 德

其形勝風俗多同福州

都轉鹽運司領場七海口場

十一里

上里場

二十里

牛田場

六里 潯美

四里 場

浯州場

三里

炳州場

二里

惠安場

一里

福建各府形勝沿革風土

福州府秦置閩郡漢設越都此是郡沿革之所以因也兩峽

交流十洋成市此是郡人物之所以盛也蓋福州之地東帶

滄溟南望交廣西接延平北睨淮浙乃百川繞繚之會八郡

形勢之魁也說者謂是邦風俗小人畏法君子內文

泉州府文甫山叢竹亭此泉州教化之善也小畫丁金溪通此

泉州形勢之奇也蓋泉州之名始于唐景雲之時東南瀕于

滄渤西北接于廣閩形勝奇而秀氣于此乎鍾教化善而士

習於此勵

建寧府邵曰建安驛曰富沙軍曰鎮安此建寧沿革之異也山

曰起賢嶺曰折桂院曰考亭此人物濯磨之始也蓋郡名定  
宋紹興之時東接括蒼北距上饒西南抵延平東北帶建溪  
有白鶴黃華之秀有龍首雞籠之奇故碧水丹山江淹稱之  
綿地八百揚億誦之所謂閩嶺之上流而東南之勝地也  
延平府金良弼記雙溪樓曰劍溪環其左樵川帶其右楊時記  
資聖院曰崇山跋峻為廓郭驚湍激流為溝池蓋甌閩占溪  
山之雄而延平當水陸之會清明偉麗為七閩襟喉以其沿  
革考之即周之閩越秦之閩中漢之東治宋之南劍而延平  
之名創於唐也生是地者民以農桑為業士以詩書相勸自  
諸儒講明道義而流風愈昌熾矣

汀州府讀陳軒之時而知汀州之形勝鍾於山水讀陳一新之  
碑而知汀州之氣習類於中州蓋其南通交廣北達江右隣  
贛吉接潮梅在山谷斗絕之地實甌閩奧壤之區以其沿革  
言之即周之七閩地而開元始開福撫二州山洞置汀州蓋  
以長汀溪名之也人生其間島居者安魚鹽之利山居者任  
耕織之勞君子質直好義小人愿慤少文

邵武府自尹洙知光澤而士風為之變不但雲巖院傳授之真  
自葉祖洽賦瑞橫而氣運為之新不但魁星亭顯融之異蓋  
邵武之地前據重岡後帶鹿水其土曠夷其勢蜿蜒居四州  
之上游為甌閩之西戶以沿革言之吳曰昭武又曰樵川而

邵武之名始于晉也人生其間雖土俗剛獷易動難安然觀讀書堂雲谷院會文軒而知以儒雅相尚

興化府觀嵩山三字祺山五奇至於烏頭巖雲頂峯而知興化山川之奇異於他郡觀三賢有祠九牧有墓至於登瀛閣東井堂而知興化人材之盛甲於中原蓋其地北枕陳崑南揖壺公東薄蘭溪西縈寧海介全福之間當舟車之會以其沿革言之惰置莆田唐置仙遊而興化之名始於宋也是雖僻在南隅而詩書禮樂磅礴鬱積有齊魯遺風蓋常袞入閩延禮英俊而文風噓扇俊造如林有自來矣

彰州府張成大之咏西湖也曰水繞彰城湖已平向來有記出

公卿則知是郡山川之傑足以鍾英俊林宗臣之職丹霞嶼也曰禮接紫陽風俗厚學傳東魯道源賒則知是郡人物之異足以跨古今蓋漳極閩之南水清流列峯秀出衿喉嶺表控引番禺張登所謂境曠窮山外城漂漲海邊正此謂也其名則始于唐垂拱中所福州西南境置彰州蓋以南有彰水名之也說者謂彰俗悍強難治然樂道遠罪非七州之比

處置

福州僻在南服昔稱沃壤頃緣島夷入犯山寇內訌地方荼毒極矣大抵興泉漳以海為襟民習獷悍而月港海滄詔安漳浦同安福清等縣則為溟渤要害延邵汀以山為枕民多

負固而上猶永定大田永安松溪光澤等縣則為逋逃淵藪  
福寧居通省上游八閩喉舌南粵係廣閩交界倭寇巢穴地  
勢民情尤難控制且閩中地狹人貧殘傷之餘錢糧無措窺  
伺者未已兵食之計不可緩也反側者未安綏靖之方不可  
後也端本澄源補偏揀弊全賴有司而風厲激勸則又係乎  
撫鎮諸大吏焉

### 福建閩隘海防

福建僻阻海濱危閩簇嶺於浙江江西廣東俱盤陟而出諸  
水悉注省下建延邵汀為上四府據上流福興泉漳為下四  
府瀕海設都司十一衛於下所以防海設行都司五衛一所

於上所以閩防海重於備倭琉球次之而我民盜海者漳則  
為甚閩大則崇安之分水閩建寧之仙霞閩次則光澤之山  
杉閩分水由江西上饒以越建寧仙霞由浙江江山以越建  
寧杉閩由建昌以越邵武

### 省城形勝

福州省城之山自處州分龍東南行至古城田去城尚數百  
里龍遂轉東南而來就虎頭山為福州朝山發龍贛州東北  
行至仙遊永福去城尚數百里亦轉正北而來就其東南上  
又分一枝渡西峽江盤旋兩江之間來作近案故能結省城  
之地

議兵食

夫閩枕山襟海魚鹽稼穡之區而風物之會也制兵則水陸營寨星列於腹邊制食則錢穀屯鹽羅致於郡邑此其為備素預宜夫威德之施不可勝用也夫何忠良之吏罕繼文武之政日頽峒丁島酋竝起肆毒遂至驅不教之民以示之餌出有數之粟以委之罄而兵食交困幾不可為矣况乎兵食相湏非二策也閩食之不足以容兵耗之耳果使主兵之練有成則養兵之費有數食不求足而自足矣此萬世之利而濟時之遠策也抑愚又有說焉島夷之入寇也月港滄海之民嘯聚而附焉而諸峒不逞之徒又角起而為之翼是與閩

為敵者半閩人也如之何閩兵之不弱以靡也傾者臺臣有城邑建官之議不惟剪賊之羽翼而且厚吾之藩籬是誠制治保邦之要也由是以通沿海魚鹽之利以通諸番貿易之利逐末少者譏而不征逐末多者征而有數則不惟島嶼之患可息而且軍需之利日興是又裕民足國之機也

議練士兵

夫八閩之地昔稱海濱鄒魯故士人喜談詩書而諱言兵也粵考形勢則延建邵汀阻山依谷福興泉漳帶海襟江故國初都司衛所郡縣相錯並設而於銅山浯嶼南日小埕諸要害處水寨星列墩堠鱗次非以外接島夷內聯峒箐故為計

特周且悉耶承平既久法度漸弛頃歲一二滑寇弄兵潢池  
黠夷乘之擣虛深入甲腐而不可張兵鈍而不足試束手待  
斃嗟乎戚矣當事者慘目戒心權宜揀解策先募兵此又驟  
病之夫危在旦夕顧視其家乃無宿艾汲汲然裘糧求已于  
秦越人計也是時攘臂先登摧鋒陷敵東走西吾不至大壞  
皆客兵力耳然購募必重犒賚必厚鎧仗必給需求必煩驛  
遞必擾亦勢之不得不然者昔李泌謂兵不土著又無宗族  
不自顧惜客兵其可久哉而建議者遂持練土兵之計以為  
募兵當在昔日練兵當在今日夫病勢亟而利用召醫勢稍  
緩而利在蓄艾亦計也夫土兵所以勝于客兵者非謂其智

勇獨先而技藝獨精也亦非謂其轉餉較易而鈔掠較也以  
其有父兄室家之念祖宗丘隴之思其心固較客兵異也凡  
用兵者用其心耳驅土人以禦寇是俾之自衛家室自樊立  
隴心固戀戀向也夫昏夜貯物於衢以他人守即股枕卧矣  
守以主者則眈眈然中宵張睫焉何者心之繫與否也此非  
土客二兵大辨耶土兵之在今日有三曰保甲曰弓兵曰機  
兵保甲之法歲檄有司編什伍置尺籍脩鉏耜止矣保甲其  
何恃乎弓兵額數既單近復裁減供追呼走聚逐鷄豚止矣  
弓兵其可使乎機兵時有調發常自負為公家出力首令閱  
視則擐甲而趨持干而倚群乎迭閱若將為戲止矣緩急其

可賴乎若此者皆羸夫弱子朽甲斷戟聰明不足走強銳不足犯死傷見敵既望風走當事者以為脆弱宜也然往歲寇在吳閩人既為兵於吳已而寇在越閩人又為兵于越繼寇在閩則閩人不自兵而吳越人反為兵於閩豈閩人強於吳越而獨弱于桑梓里哉無以練之故也夫土兵未練而遽曰客兵可去萬一變生不測何以應之所謂見兔而顧犬吾竊懼其晚也故為今之計莫若預練土兵而練之之法有三一曰定經制二曰嚴教習三曰明賞罰此皆今日之不可不講夫兵制不定則衆寡不均兵籍不覈則強弱不分操練之術安從施耶今宜倣新 題事例查照弘治年間舊規大縣該

兵幾何中縣該兵幾何悉復前額嚴加挑選老者遣之弱者汰之虛者補之冒者正之影射必稽占役必禁逋逃必復部隊必全版築迎送勿以干豫文吏詰查不得漁擾規畫周而後練習可加故曰經制之不可不定者此也兵家之法超忽變化目駭耳迫苟非素閑臨敵必亂今宜於戈矛之用礮飛之制決拾之方營陣之規具有成法者購募良師以一教十以十教百其執技也長短步騎靡用弗適其成列也縱橫首尾隨變而應技藝既精膽氣自壯聞敵而躍然思赴見敵而群然爭前矣故曰教習之不可不嚴者此也夫鋒鏑注目而士弗却矢石貫顛而兵不動者賞罰素明耳練習 一 時號令

不貲賞罰不信罰不必則驅之臨陣必不守矣此予武所以  
加刑於莊賈也今宜重之以將領之職假之以便宜之權愆  
期後至必刑踰行越伍必刑旌旗金鼓不如教必刑坐作進  
退不如法必刑其若于訓者什伯之長以次第進且有後賚  
由是而率以赴敵則人知進有殊賞退有嚴誅孰不捐軀以  
自效哉故曰賞罰之不可不明者此也三者既舉而又責成  
於有司守令以此為盡職臺臣以此為殿最則扶鼎超距之  
人出擊蛟射鵬之技進而人咸奮武隊咸稱強矣夫一人教  
成然後客兵可去一人也一隊教成然後客兵可去一隊也  
旋教旋去不二三年而客兵可以盡遣客兵之餉可以盡蠲

蓋以機兵而代客兵以軍餉而為工食正相乘矣况所省又  
不訾乎不然艾不素蓄遠方之醫終不可謝即使儲金若丘  
積粟如山恐江河之大其能當漏卮哉昔之議兵者亦嘗以  
是為憂此曹瑋有閒田之論楊億有寺租之論說也夫全閩  
升斗之地盡入版圖無復有閒田可以供召募而寺租雖多  
悉充軍餉又安有奇贏可以給精兵哉二說蓋不可倣也宋  
咸平中王元之言於朝曰福建等郡酌民戶衆寡城池大小  
竝許置本城守捉軍士習弓劍葺城壘夫抽取于民非土兵  
邪元之筭行之于宋顧不可行之于今邪抑有說焉曩者寇  
犯閩境其為嚮導而來者多士人也蓋遊手之徒一日顧惜

中有魁黠者起而倡之往往相率從亂大抵寇之可慮者  
其中有魁黠也魁黠在中未易卒制周亞夫征吳楚急索劇  
孟誠慮之也乃今用土兵則草萊之魁黠具可籠取束縛之  
而銷亡外寇之術固寓焉此又練兵之要機也

### 福建海寇

東廣之地與民相錯逋寇迭起竟未有創之者此豈直廣  
患閩亦患之矣古者各君其國猶相救恤以畏簡書况今一

統

明天子詎有漠然眡鄰境秦越哉屢奉

明旨會剿特於南澳設重鎮以連兩省之聲援夫寇辟則鹿也

閩人特之廣人角之相與踣之有何不克第詳廣海島嶼甚  
多故逋迹如搏景緩則鷗搶急則告撫廣亦明知其詐而如  
羈維之幸無大縱非直我閩之師勢難越擊已也且自嘉隆  
來首難無慮數十皆連艘數百橫行廣海而犯閩烽火者一  
馬夫入犯之衝首南澳次銅山次培嶼次南日小埕烽火今  
寨遊舟師鱗次櫛比非復曩時之比扼其上游則閩海內地  
可無慮矣至于外島可畧而言在漳曰南澳在泉曰彭湖在  
興曰湄州在福曰海壇夫南澳有重鎮矣海壇有遊兵矣湄  
洲在目睫之間亦無所伏姦矣脫有侵軼而竊據者其彭湖  
平天彭湖遠在海外去泉二千餘里其山迂迴方一十六小

嶼羅列如排衙然內澳可容千艘又周遭平山而止一隘  
口進不得方舟令賊得先據所謂一人守險千人不能過者  
也矧山外多礁風信不常吾之戰艦難久泊矣而曰可以攻  
者否也往居民恃險為不軌乃從而虐其地今不可以民實  
之明矣若分兵以守則兵分者於法為弱遠輸者於法為貧  
且絕島孤懸混茫萬頃脫輸不及而援後時是委軍以予敵  
也而曰可以守者否也亦嘗測其水勢沈舟則不盡其深輸  
石則難扞其急而曰可以塞者亦非也夫地利我與賊共者  
也塞不可守不可攻又不可則將委之乎惟謹脩內治而已  
法曰佚能勞之飽能饑之賊之所資者糧食所急者硝磺也

惟峻接濟之防而敷陳整旅以需其至則賊既失其所恃而  
海上軍事又絕不相聞雖舳艫輒芴詎能為久頃謀我以我  
之逸待賊之勞以我之飽待賊之饑稍逼內地則或給接濟  
以掩禽或假漁商而襲擊此營平致敵之術也法有不以兵  
勝而以計困者此之謂也於戲接濟勾引患非一日矣漳民  
航海商夷其本業也自

先朝過禁遂致勾倭釀成禍府邇者假充餉之名寓弭盜之  
術請開海禁意誠美矣然亦以東南夷不為中國患故云不  
謂日本之狡黠也窮寇無聊又安知不出于勾引計乎大抵  
閩粵地勢雖稍稍殊而通夷市海同軌法嗜利六一廣禁而

閩弛則閩為逋藪閩禁而廣弛則廣為逋藪安示于汨于閩  
蔡佛保流毒于廣其已事可鑒已夫蚊虻嚙膚手示期而搏  
其痛一也同舟而遇風波雖夷駘之子同心而共濟者其患  
一也謂宜齊禁周防協和并力何憂乎姦氓何畏乎逋寇哉

